

摛藻堂四庫全書薈要

史部

欽定四庫全書
會要卷三千八百四十一

史部

後漢書卷七

宋宣城太守范曄撰

唐章懷太子賢注

桓帝紀第七

孝桓皇帝諱志

謚法曰克敵服遠曰桓志之字

肅宗曾孫也祖父河

間孝王開父蠡吾侯翼

順帝時開上書願分蠡

吾縣以

封翼帝許之蠡吾故城在今瀛

州博野縣

西蠡音禮母匱氏

諱明本蠡吾侯之媵

妾史記

姓咎繇之後也

匱音偃

翼卒帝

襲爵為侯本初元年梁太后徵帝到夏門亭

洛陽城北面西頭門

也門外有萬壽亭將妻以女弟

妻音七計反

會質帝崩太后遂與兄

大將軍冀定策禁中閏月庚寅使冀持節以王青蓋車

續漢志曰皇太子皇子皆安車朱班輪青蓋金華蓋故曰王青蓋車也

迎帝入南宮其日

即皇帝位時年十五太后猶臨朝政

東觀記曰太后御卻非殿秋七

月乙卯葬孝質皇帝于靜陵

在洛陽東南三十里陵高五丈五尺周百三十八步

齊王喜薨辛巳謁高廟光武廟丙戌詔曰孝廉廉吏皆

當典城牧民禁姦舉善興化之本恒必由之詔書連下

分明懇惻而所在翫習遂至怠慢選舉乖錯害及元元

頃雖頗繩正猶未懲改方今淮夷未殄軍師屢出本初

廬

江賊

攻

盱台

廣陵賊

張嬰

等殺

江都長

盱台

江都

並

近淮故言淮夷時申郎將滕撫屢擊破之其餘衆猶未

殄百姓疲悴困於徵發庶望羣吏惠我勞民蠲滌貪穢

以祈休祥其令秩滿百石十歲以上有殊才異行乃得

參選臧吏子孫不得察舉杜絕邪偽請託之原令廉白

守道者得信其操信音申各明守所司將觀厥後九月

戊戌追尊皇祖河間孝王曰孝穆皇夫人趙氏曰孝穆

古字通

皇后皇考蠡吾侯曰孝崇皇冬十月甲午尊皇母匱氏

為孝崇博園貴人

博本漢蠡吾縣之地也帝既追尊父為孝崇皇其陵曰博陵置園廟焉故

曰博園在今瀛州博野縣西
貴人位次皇后金印紫綬

建和元年春正月辛亥朔日有食之詔三公九卿校尉

各言得失戊午大赦天下賜吏更勞一歲男子爵入二

級為父後及三老孝悌力田人三級鰥寡孤獨篤癃貧

不能自存者粟人五斛貞婦帛人三匹灾害所傷什四

以上勿收田租其不滿者以實除之二月荆揚二州人

多餓死遣四府掾分行賑給沛國言黃龍見譙夏四月
庚寅京師地震詔大將軍公卿校尉舉賢良方正能直
言極諫者各一人又命列侯將大夫御史謁者千石六
百石將謂五官左右虎賁羽林中郎將也大夫謂光祿大夫太中大夫中散大夫諫議大夫博士
議郎郎官各上封事指陳得失博士掌通古今比六百石議郎比六百石郎官也謂三中郎將下之屬官有中郎侍郎郎中又詔大將軍公卿郡國舉至孝
篤行之士各一人壬辰詔州郡不得迫脅驅逐長吏長
吏臧滿三十萬而不糾舉者刺史二千石以縱避為罪

若有擅相假印綬者與殺人同棄市論丙午詔郡國繫囚減死罪一等勿笞唯謀反大逆不用此書又詔曰比

起陵塋

陵作靜

彌歷時歲力役既廣徒隸尤勤頃雨澤不

沾密雲復散儻或在茲

易曰密雲不雨自我西郊

其令徒作陵者減

刑各六月是月立阜陵王代兄勃迺亭侯便為阜陵王

便光武玄孫也

阜陵王恢之子

以順帝陽嘉中封勃為

迺亭侯今改封也

迺音子由反本傳作便

親紀傳不同

蓋有郡國六地裂水涌井溢

續漢志曰水溢壞城寺室

屋殺人時梁太后攝政兄

誤

蓋有郡國六地裂水涌井溢

續漢志曰水溢壞城寺室

屋殺人時梁太后攝政兄

固杜喬芝草生中黃藏府

漢官儀曰中黃藏府掌

中幣帛金銀諸貨物也

冀枉殺李

芝草生中黃藏府

漢官儀曰中黃藏府掌

中幣帛金銀諸貨物也

六

月太尉胡廣罷大司農杜喬為太尉秋七月勃海王鴻
薨章帝曾孫也。樂安夷王寵之子。立帝弟蠡吾侯悝為質帝之父也。梁太后改封勃海立帝弟蠡吾侯悝為
勃海王乙未立皇后梁氏九月丁卯京師地震太尉杜
喬免冬十月司徒趙戒為太尉戒字志伯。蜀郡人也。司空袁湯為
司徒前太尉胡廣為司空十一月濟陰言有五色大鳥
見于巴氏續漢志曰時以為鳳凰政既衰缺梁冀專權皆羽孽也。巴氏縣名屬濟陰郡故城在今宋州已氏之邑也。古戎戊午減天下死罪一等戍邊清河劉

坐貶為尉氏侯徙桂陽自殺

尉氏縣屬陳留郡今汴州縣也前太尉李

固杜喬皆下獄死

續漢志曰順帝之末京都童謡曰直如弦

死道邊曲如鈞反封侯曲如鈞

記曰東觀

謂梁冀胡廣等直如弦謂李固等

陳留盜賊李堅自稱皇帝伏誅

東觀記曰

江舍及李堅等

二年春正月甲子皇帝加元服庚午大赦天下賜河間

勃海二王黃金各百斤

河間王建渤海王悝

彭城諸國王各五十

斤

彭城王定

公主大將軍三公特進侯中二千石二千石將

大夫郎吏從官四姓及梁鄧小侯諸夫人以下帛各有

差年八十以上賜米酒肉九十以上加帛二匹綿三斤

三月戊辰帝從皇太后幸大將軍梁冀府白馬羌寇廣

漢屬國殺長吏益州刺史率板楯蠻討破之

板楯西南
蠻之號

夏四月丙子封帝弟顧為平原王奉孝崇皇祀尊孝崇

皇夫人馬氏為孝崇園貴人嘉禾生大司農帑藏

說文
帑藏曰帑

者金布所藏之
府也帑也朗反

五月癸丑北宮掖廷中德陽殿及左掖

門火車駕移幸南宮六月改清河為甘陵立安平王得

子經侯理為甘陵王

安平今定州縣也
經今貝州經城縣也

秋七月京師大

水河東言木連理冬十月長平陳景自號皇帝子署置
官屬又南頓管伯亦稱真人並圖舉兵悉伏誅

三年春三月甲申彭城王定薨夏四月丁卯晦日有食

之續漢志曰在東井二十三度東井主法梁太后枉殺公卿犯天法也五月乙亥詔曰蓋

聞天生蒸民不能相理為之立君使司牧之君道得於
下則休祥著乎上庶事失其序則咎徵見乎象已上畧成帝詔

詞間者日食毀缺陽光晦暗朕祇懼潛思匪遑啟處違暇

也啟跪也詩小雅曰傳不云乎日食修德月食修刑羊公事靡鹽不遑啟處

傳文之也昔孝章帝愍前世禁徙故建初之元並蒙恩澤流

徙者使還故郡沒入者免為庶民先皇德政可不務乎

其自永建元年迄于今歲凡諸妖惡支親從坐及吏民

減死徙邊者悉歸本郡唯沒入者不從此令六月庚子

詔大將軍三公特進侯其與卿校尉舉賢良方正能直

言極諫之士各一人乙卯震憲陵寢屋秋七月庚申廉

縣雨肉

續漢志曰肉似羊肺或大如手五行傳云棄法
律逐功臣時則有羊禍時則有赤眚赤祥是時

梁太后攝政兄冀專權枉誅李固

杜喬天下冤之廉縣屬北地郡也八月乙丑有星孛于

天市

前書曰旗星
四星名曰天市

中京師大水九月己卯地震庚寅地

又震詔死罪以下及亡命者贖各有差郡國五山崩冬

十月太尉趙戒免司徒袁湯為太尉大司農河內張歆

為司徒

歆字敬讓

十一月甲申詔曰朕攝政失中灾眚連仍

三光不明陰陽錯序監寐寤歎疚如疾首

監寐言雖寢而不寐也

覺今京師廝舍死者相枕

廝舍賤役人之舍也

郡縣阡陌處處有

之甚違周文掩骼之義其有家屬而貧無以葬者給直

人三千喪主布三匹若無親屬可於官墳地葬之

墳官餘

地也前書音義曰壠城郭旁地音奴喚而變二反

表識姓名為設祠祭又徙在

作部疾病致醫藥死亡厚埋藏民有不能自振及流移者稟穀如科州郡檢察務崇恩施以康我民

和平元年春正月甲子大赦天下改元和平己亥詔曰

曩者遭家不造先帝早世

謂順帝崩詩周頌曰閔予小子遭家不造鄭玄注云造成

也言成王遭武王崩家道未成

永惟太宗之重深思嗣續之福詢謀台

輔稽之兆占既建明哲克定統業天人協和萬國咸寧元服已加將即委付而四方盜竊頗有未靜故假延臨

政以須安謐幸賴股肱禦侮之助殘醜消蕩

謂建和二年長安陳

景反南頓管伯等謀反並伏誅民和年稔普天率土遐邇洽同遠覽復

子明辟之義

尚書曰周公曰朕復子明辟復還也子謂成王也辟君也謂周公攝政已久故復還

明君之政於成王今太后亦還政於帝也近慕先姑歸授之法

先姑謂安帝閻皇后也爾

雅曰婦人謂夫之父曰舅夫之母曰姑在則曰君舅君姑歿則曰先舅先姑也及今令辰皇帝

稱制羣公卿士虔恭爾位戮力一意勉同斷金

金者剛之物也

言入能同心則其利可以斷之

易曰二人心其利斷金展也大成則所望矣

詩小雅曰允矣君子展也大成鄭玄注云允信也展誠

也大成謂致太平也言誠能致太平是所望也

二月

扶風妖賊裴優自稱皇帝伏誅

裴姓優名也風俗通曰裴伯益之後甲寅

皇太后梁氏崩三月車駕徙幸北宮甲午葬順烈皇后

夏五月庚辰尊博園匱貴人曰孝崇皇后秋七月梓潼

山崩

梓潼縣屬廣漢郡今始州縣也

有梓潼水冬十一月減天下死罪一等

徙邊戍

元嘉元年春正月京師疾疫使光祿大夫將醫藥案行

癸酉大赦天下改元元嘉二月九江廬江大疫甲午河

間王建薨夏四月己丑安平王得薨

河間孝王開之子初為樂成王後改

平日安京師旱任城梁國饑民相食司徒張歆罷光祿勳
吳雄為司徒秋七月武陵蠻叛冬十月司空胡廣罷十
一月辛巳京師地震閏月庚午任城王崇薨太常黃瓊
為司空

二年春正月西域長史王敬為于寘國所殺

敬殺于寘王建故國

入殺丙辰京師地震夏四月甲寅孝崇皇后匱氏崩庚之

午常山王豹薨五月辛卯葬孝崇皇后于博陵秋七月

庚辰日有食之八月濟陰言黃龍見句陽

縣名屬濟陰郡左傳曰盟

于句瀆之丘是也故城在今金城言黃龍見允街

允街縣名

曹州乘氏縣北一名穀丘

屬金城郡

音緣皆冬十月乙亥京師地震十一月司空黃瓊免

十二月特進趙戒為司空右北平太守和晏坐減下獄死

永興元年春二月張掖言白鹿見三月丁亥幸鴻池夏五月丙申大赦天下改元永興丁酉濟南王廣薨無子國除秩七月郡國三十二蝗河水溢百姓饑窮流冗道路至有數十萬戶冀州尤甚詔在所賑給乏絕安慰居

業冬十月太尉袁湯免太常胡廣為太尉司徒吳雄罷司空趙戒免以太僕黃瓊為司徒光祿勳房植為司空十一月丁丑詔減天下死罪一等徙邊戍是歲武陵太守應奉招誘叛蠻降之

二年春正月甲午大赦天下二月辛丑初聽刺史二千石行三年喪服癸卯京師地震詔公卿校尉舉賢良方正能直言極諫者各一人詔曰比者星辰繆越坤靈震動灾異之降必不空發勅已修政庶望有補其輿服制

度有踰侈長飾者皆宜損省

長音直
亮反

郡縣務存儉約申

明舊令如永平故事六月彭城泗水增長逆流

張衡對
策曰水

者五行之首逆流者人君之恩不能下及而致逆也

詔司隸校尉部刺史曰蝗灾

為害水變仍至五穀不登人無宿儲其令所傷郡國種

蕪菁以助人食京師蝗東海朐山崩

朐山名也在今海州朐山縣南

月丁卯朔日有食之詔曰朝政失中雲漢作旱

雲漢詩
大雅篇

名也周宣王時大旱故作詩曰倬彼雲漢昭回于天鄭

玄注云雲漢天河也倬然轉運於天時旱渴雨故宣王

夜視天河靈涌水蝗蟲孽蔓殘我百穀太陽虧光饑

望其候焉

饉荐臻其不被害郡縣當為饑餒者儲天下一家趣不
糜爛則為國寶其禁郡國不得賣酒祀裁足太尉胡
廣免司徒黃瓊為太尉閏月光祿勲尹頌為司徒頌字公孫

羣減天下死罪一等徙邊成蜀郡李伯詐稱宗室當立
為太初皇帝伏誅冬十一月甲辰校獵上林苑遂至函
谷關賜所過道傍年九十以上錢各有差太山琅邪賊
公孫舉等反叛殺長吏

永壽元年春正月戊申大赦天下改元永壽二月司隸

冀州饑人相食

司隸州即洛陽

勅州郡賑給貧弱若王侯吏民

有積穀者一切貢得十分之三

資音吐得反又音徒得反

以助稟貸

其百姓吏民者以見錢雇直

雇猶酬也

王侯須新租乃償

須待

也夏四月白鳥見齊國六月洛水溢壞鴻德苑

續漢志曰水溢

至津城門漂流人物時梁冀專政疾害忠良威權震主後遂誅滅也

南陽大水司空房植

免太常韓縝為司空

縝音翼善反

詔太山琅邪遇賊者勿收

租賦復更算三年又詔被水死流失屍骸者令郡縣鉤

求收葬及所唐突壓溺物故七歲以上賜錢人二千壘

敗盧舍亡失穀食尤貧者稟入二斛巴郡益州郡山崩

益州郡名也武帝置

諸本無郡字者誤也秋七月初置太山琅邪都尉官

漢官

儀曰秦郡有尉一人典兵禁捕盜賊

景帝更名都尉建武七年省唯邊郡往往置都尉及屬國都尉今二郡寇

賊不息南匈奴左臺且渠伯德等叛寇美稷

美稷西河縣也西安故置

定屬國都尉張奐討除之

二年春正月初聽中官得行三年服

中官常侍以下二月甲申

東海王臻薨三月蜀郡屬國夷叛秋七月鮮卑寇雲中

太山賊公孫舉等寇青兗徐三州遣中郎將段熲討破

斬之冬十一月置太官右監丞官

漢官儀曰太官右監丞秩比六百石也

十二月京師地震

三年春正月己未大赦天下夏四月九真蠻夷叛太守

兒式討之戰歿遣九真都尉魏朗擊破之復屯據日南

閏月庚辰晦日有食之六月初以小黃門為守宮令置

冗從右僕射官

漢官儀曰守宮令一人黃門冗從僕射一人並秩六百石也

京師蝗

秋七月河東地裂冬十一月司徒尹頌薨長沙蠻叛寇

益陽

縣名屬長沙國在益水之陽今潭州縣也故城在縣東

司空韓縝為司徒太

常北海孫朗為司空

朗字平代

延熹元年春三月己酉初置鴻德苑令

漢官儀曰苑令一人秩六百石

夏五月己酉大會公卿以下賞賜各有差甲戌晦日有

食之京師蝗六月戊寅大赦天下改元延熹丙戌分中

山置博陵郡以奉孝崇皇園陵

博陵郡故城在今瀛州博野縣後徙安平

大雪秋七月己巳雲陽地裂甲子太尉黃瓊免太常胡廣

為太尉冬十月校獵廣成遂幸上林苑十二月鮮卑寇

邊使匈奴中郎將張奐率南單于擊破之

二年春二月鮮卑寇鴈門己亥阜陵王便薨蜀郡夷寇
蠶陵殺縣令三月復斷刺史二千石行三年喪夏京師
雨水六月鮮卑寇遼東秋七月初造顯陽苑置丞丙午
皇后梁氏崩乙丑葬懿獻皇后于懿陵大將軍梁冀謀
為亂八月丁丑帝御前殿詔司隸校尉張彪將兵圍冀
第收大將軍印綬冀與妻皆自殺衛尉梁淑河南尹梁
肩屯騎校尉梁讓越騎校尉梁忠長水校尉梁戟等及
中外宗親數十人皆伏誅太尉胡廣坐免司徒韓縝司

空孫朗下獄

東觀記曰並坐不衛官止長壽亭減死一等以爵贖之

壬午立皇后

鄧氏追廢懿陵為貴人冢詔曰

梁冀奸暴濁亂王室孝

質皇帝聰敏早茂冀心懷忌畏私行殺毒永樂太后親

尊莫二

和平元年有司奏太后所居皆以永樂為稱置官屬太僕少府焉

冀又遏絕禁

還京師

謂太后常居博園不得在洛陽使朕離母子之愛隔顧復之恩

禍害深大罪釁日滋賴宗廟之靈及中常侍單超徐璜

具瑗左悊

說文曰悊憂也音工與反今作心旁官即憲字也今相傳音綰

唐衡尚書令

尹勲等激憤建議內外協同漏刻之間桀逆梟夷

集縣首

也。斯誠社稷之祐臣下之力宜班慶賞以酬忠勲其封
超等五人為縣侯。勲等七人為亭侯。五縣侯謂單超新
豐侯徐璜武原侯

具瑗東武陽侯左愷上蔡侯唐衡汝陽侯七亭侯謂尹
勲宜陽都鄉霍譯鄴都亭張敬山陽西鄉歐陽參修武

仁亭李璋宜陽金門虞放冤
句呂都亭周永下邳高遷鄉於是舊故恩私多受封爵

大司農黃瓊為太尉光祿大夫中山祝恬為司徒

恬字伯休

盧奴大鴻臚梁國盛允為司空。允字伯代初置祕書監官漢

入儀祕書監一伯代初置祕書監官漢

入秩六百石冬十月壬申行幸長安乙酉幸未央宮甲

午祠高廟十一月庚子遂有事十一陵壬寅中常侍單

超為車騎將軍十二月已巳至自長安賜長安民粟入
十斛園陵入五斛行所過縣三斛燒當等八種羌叛寇
龍右護羌校尉段熲追擊於羅亭破之積石山東觀記曰追到
亭相近在今鄯州也是也

天竺國來獻

三年春正月丙申大赦天下丙午車騎將軍單超薨閏
月燒當羌叛寇張掖護羌校尉段熲追擊於積石大破
之積石山在今鄯州龍支縣南
即禹貢云導河積石是也

白馬令李雲坐直諫下

獄死夏四月上郡言甘露降五月甲戌漢中山崩六月

辛丑司徒祝恬薨七月司空盛允為司徒太常虞放為

司空

放字子仲陳留人也

長沙蠻寇郡界九月太山琅邪賊勞丙

等復叛寇掠百姓遣御史中丞趙某

史闕名也

持節督州郡

討之丁亥詔無事之官權絕奉豐年如故冬十一月日

南蠻賊率衆詣郡降勒姐羌圍允街

勒姐羌號也

段頑

擊破之太山賊叔孫無忌攻殺都尉侯章十二月遣中

郎將宗資討破之武陵蠻寇江陵車騎將軍馮緹討皆

降散荊州刺史度尚討長沙蠻平之

四年春正月辛酉南宮嘉德殿火戊子丙署火

丙署名也續署

漢志曰丙署長七八人秩四百石
黃綬官者為之主中宮別處

大疫二月壬辰武庫火

司徒盛允免大司農种嵩為司徒三月省冗從右僕射

官永壽三年置

太尉黃瓊免夏四月太常劉矩為太尉甲寅

封河間王開子博為任城王五月辛酉有星孛于心丁

卯原陵長壽門火己卯京師雨雹

東觀記曰大如雞子續漢志曰誅殺過差

人也六月京兆扶風及涼州地震庚子岱山及博尤來

山並頽裂

博今博城縣也太山有徂來山一名尤來

己酉大赦天下司空虞

放免前太尉黃瓊為司空犍為屬國夷寇鈔百姓益州
刺史山呈擊破之零吾羌與先零諸種並叛寇三輔秋
七月京師雩減公卿以下奉貲王侯半租占賣關內侯
虎賁羽林緹騎營士五大夫錢各有差九月司空黃瓊
免大鴻臚劉寵為司空冬十月天竺國來獻南陽黃武
與襄城惠得昆陽樂季詠言相署皆伏誅先零沈氏羌
與諸種羌寇并涼二州十一月中即將皇甫規擊破之
十二月夫餘王遣使來獻

五年春正月省大官右監丞

永壽三年置

壬午南宮丙署火

三月沈氏羌寇張掖酒泉壬午濟北王次薨夏四月長

沙賊起寇桂陽蒼梧

東觀記曰時攻沒蒼梧取銅虎符太守甘定刺史侯輔各奔出城桂

陽郡在桂水之陽今連州縣驚馬逸象突入宮殿乙丑恭陵東闕火

安帝陵也戊辰虎賁掖門火己巳太學西門自壞五月康陵

園寢火

殤帝陵也

長沙零陵賊起攻桂陽蒼梧南海交趾遣

御史中丞盛修督州郡討之不剋乙亥京師地震詔公

卿各上封事甲申中藏府丞祿署火秋七月己未南宮

承善闔火

爾雅曰宮中門謂之闔廣雅曰闔謂之闔

鳥吾羌寇漢陽隴西金

城諸郡兵討破之八月庚子詔減虎賁羽林住寺不任

事者半奉勿與冬衣

東觀記曰以京師水旱疫病帑藏空虛虎賁羽林不任事者住寺減

半奉據此謂簡選疲弱不勝軍事者留住寺也

其公卿以下給冬衣之半艾縣

賊焚燒長沙郡縣寇益陽殺令

東觀記曰時賊乘刺史車屯據臨湘居太守舍

賊萬人以上屯益陽殺長吏艾縣名屬豫章郡故城在今洪州建昌縣

又零陵蠻亦叛寇

長沙己卯罷琅邪都尉官

永壽元年置

冬十月武陵蠻叛寇

江陵南郡太守李肅坐奔北棄市辛丑以太常馮緹為

車騎將軍討之假公卿以下奉又換王侯租以助軍糧
出濯龍中藏錢還之十一月馮緹大破叛蠻於武陵京
兆虎牙都尉宗謙坐減下獄死京兆虎牙都尉毛滇那長安見西羌傳

羌寇武威張掖酒泉太尉劉矩免太常楊秉為太尉

六年春二月戊午司徒種嵩薨三月戊戌大赦天下衛

尉頽川許栩為司徒

栩字季闕偃人

夏四月辛亥康陵東署火

五月鮮卑寇遼東屬國秋七月甲申平陵園寢火

平陵昭帝

陵桂陽盜賊李研等寇郡界武陵蠻復叛太守陳奉與
也

戰大破降之隴西太守孫羌討滇那羌破之八月車騎
將軍馮緝免冬十月丙辰校獵廣成遂幸函谷關上林
苑十一月司空劉寵免南海賊寇郡界十二月衛尉周
景為司空

七年春正月庚寅沛王榮薨三月癸亥墮石于鄖夏四
月丙寅梁王成薨五月己丑京師雨雹秋七月辛卯趙
王乾薨野王山上有死龍荊州刺史度尚擊零陵桂陽
盜賊及蠻夷大破平之冬十月壬寅南巡狩庚申幸章

陵祠舊宅遂有事于園廟賜守令以下各有差戊辰辛

雲夢臨漢水還幸新野祠湖陽新野公主魯哀王壽張

敬侯廟

光武
哀王

姊湖陽長公主
舅壽張敬侯

樊重並光武時立廟

護羌校

長公主兄魯

護羌校

長公主兄魯

護羌校

長公主兄魯

尉段頰擊當煎羌破之十二月辛丑車駕還宮

八年春正月遣中常侍左悊之苦縣祠老子

史記曰老子者楚苦

縣屬鄉曲仁里人也名耳字聃姓李氏為周守藏史有

神廟故就祠之苦縣屬陳國故城在今亳州谷陽縣也

在今亳州谷陽縣也

苦音戶勃海王悝謀反降為麌陶王

麌陶縣屬鉅鹿郡

故城在今趙州麌陶郡

故城在今趙州麌陶郡

陶縣丙申晦日有食之詔公卿校尉舉賢良方正己酉
西南

南宮嘉德署黃龍見千秋萬歲殿火太僕左稱有皋自
殺癸亥皇后鄧氏廢河南尹鄧萬世鄧后之叔父也虎賁中郎

將鄧會下獄死鄧后之兄子護羌校尉段熲擊勒姐羌破之

三月辛巳大赦天下夏四月甲寅安陵園寢火惠帝丁
陵也

己壞郡國諸房祀房謂祠堂也王渙傳曰時唯密縣存
故太傅卓茂廟洛陽留令王渙祠

濟陰東郡濟北河水清五月壬申罷太山都尉官永壽元年

置丙戌太尉楊秉薨丙辰緜氏地裂桂陽胡蘭朱蓋等
復反攻沒郡縣轉寇零陵零陵太守陳球拒之遣中郎

將度尚長沙太守抗徐等擊蘭蓋大破斬之

謝承書曰
抗徐字伯

徐丹陽人少為郡佐史有膽智策畧三府表徐有將率之任特遷長沙太守風俗通日衛大夫三抗之後漢有抗喜為漢中太守

蒼梧太守張叙為賊所執又桂陽太守任肖

背敵畏懦皆棄市閏月甲午南宮長秋和歡殿後鉤楯

披庭朔平署火

長秋宮名漢官儀曰
朔平署司馬一人

六月段熲擊當煎

羌於湟中大破之

湟水名在今
鄯州湟水縣

秋七月太中大夫陳蕃

為太尉八月戊辰初令郡國有田者畝斂稅錢

畝十九
錢也

月丁未京師地震冬十月司空周景免太常劉茂為司

空

茂字叔盛
彭城人也

辛巳立貴人竇氏為皇后勃海妖賊蓋登

等

蓋古

稱太上皇帝有玉印珪璧鐵券相署置皆伏誅

續

漢書曰時登等有玉印五皆如白石文曰皇帝信璽
皇帝行璽其三無文字璧二十二珪五鐵券十一開五

廟

帶玉綬衣絳
衣相署置也

十一月壬子德陽殿西閣黃門北寺火

延及廣義神虎門燒殺人

廣義神虎洛陽宮西門在金
商門外袁山松書曰是時連

月火灾諸宮寺或

一日三發又夜有訛言擊鼓相使中
驚陳蕃等上疏諫曰唯善政可以已之書奏不省使中

常侍管霸之苦縣祠老子

九年春正月辛亥朔日有食之詔公卿校尉郡國舉至

孝沛國戴異得黃金印無文字遂與廣陵人龍尚等共
祭并作符書稱太上皇伏誅東觀記曰戴異鉏田得已
西詔曰比歲不登人多饑窮又有水旱疾疫之困盜賊
徵發南州尤甚謂長沙桂陽零陵等郡也並屬荊州灾異日食謹告累至
政亂在予仍獲咎徵其令大司農絕今歲調度徵求及
前年所調未畢者勿復收責其灾旱盜賊之郡勿收租
餘郡悉半入三月癸巳京師有火光轉行人相驚譟司
隸豫州饑死者什四五至有滅戶者遣三府掾賑廩之

陳留太守韋毅坐臧自殺夏四月濟陰東郡濟北平原
河水清司徒許栩免五月太常胡廣為司徒六月南匈奴
及烏桓鮮卑寇緣邊九郡秋七月沈氏羌寇武威張
掖詔舉武猛三公各二人卿校尉各一人太尉陳蕃免
庚午祠黃老於濯龍宮遣使匈奴中郎將張奐擊南匈奴
烏桓鮮卑九月光祿勳周景為太尉南陽太守成瑨
太原太守劉質並以譖棄市時小黃門趙津犯法質考
殺之官官怨恚有司承旨

奏質司空劉茂免大秦國王遣使奉獻時國王安敦獻
象牙犀角玳瑁等

冬十二月洛城傍竹柏枯傷光祿勳汝南宣豐為司空

鄧字伯應封東陽亭侯

南匈奴烏桓率衆詣張奐降司隸校尉李

膺等二百餘人受誣為黨人並坐下獄書名王府

河內牢修

告之事具

劉淑傳

永康元年春正月先零羌寇三輔中郎將張奐破平之

當煎羌寇武威護羌校尉段熲追擊於鸞鳥大破之

鸞鳥

縣名屬武威郡鸞音崔西羌悉平夫餘王寇玄菟太守公孫域與

戰破之夏四月先零羌寇三輔五月丙申京師及上黨

地裂廬江賊起寇郡界壬子晦日有食之詔公卿校尉

舉賢良方正六月庚申大赦天下悉除黨錮改元永康

時李膺等頗引宦者子弟官宦多懼請帝以天時當赦帝許之故除黨錮也丙寅阜陵王統

薨秋八月魏郡言嘉禾生甘露降巴郡言黃龍見

續漢志曰

時人欲就浴見沱水濁因相戲恐此中有黃龍語遂行入聞郡欲以為美故上言之時史以書帝紀桓帝政化衰缺而多言瑞應皆此類也先儒言瑞興非時則為妖孽而人言生龍皆龍孽也

六州大水勃

海海溢詔州郡溺死者七歲以上錢人二千一家皆被害者悉為收斂其亡失穀食稟入三斛冬十月先零羌

寇三輔使匈奴中郎將張良擊破之十一月西河言白
免見十二月壬申復廢陶王悝為勃海王丁丑帝崩于
德陽前殿年三十六戊寅尊皇后曰皇太后太后臨朝
是歲復博陵河間二郡比豐沛

論曰前史稱桓帝好音樂善琴笙前史謂東觀記飾芳林而考

濯龍之宮

薛綜注東京賦云濯龍殿名芳林謂兩旁樹木蘭也考成也既成而祭之左傳曰考仲子

之設華蓋以祠浮圖老子

浮圖今佛也續漢志曰祀老子於濯龍宮文劉為壇飾淳

金銀器設華蓋之坐用郊天樂斯將所謂聽於神乎左傳曰史嚚曰國將興聽於人將亡

聽於及誅梁冀奮威怒天下猶企其休息而五邪嗣虐

神

流行四方

五邪謂單超徐璜

自非忠賢力爭屢折姦鋒

左悗唐衡具瑗也

忠賢謂李膺陳蕃竇武黃瓊朱穆劉淑劉陶

等各上書極諫以折宦官等姦謀之鋒也

流彘亦不可得已

帝王紀曰夏帝相為羿所逐相乃都商丘依同姓諸侯斟灌斟尋氏史記

周厲王好利暴虐周人相與畔而襲厲王王出奔于

彘言帝寵幸宦豎令執威權賴忠臣李膺等竭力諫爭

以免篡弑之禍不然則雖願如夏相依

斟灌斟尋國故城在今青州彘晉地也

贊曰桓自宗支越躋天祿

越謂非次也躋升也天祿天位也左傳子家羈曰天祿不

再政移五倖刑淫三獄

倖佞也淫濫也五倖即上五邪也三獄謂李固杜喬李雲杜衆

成晉劉傾宮雖積皇身靡續
帝王紀曰紂多嬖美女以質也
者三百餘人據桓帝納三皇后又
博採宮女五六千人並無子也

後漢書卷七

後漢書卷七考證

桓帝紀辛巳謁高廟光武廟○何焯曰光武廟上疑脫

壬午謁三字

自號皇帝子○皇監本作黃今從宋本

臣會汾按黃帝

子義亦可通猶前書言白帝子赤帝子也

和平元年春正月甲子大赦天下改元和平己亥詔曰
○何焯曰若以甲子下赦則己亥歸政當在二月疑

日有訛

後漢書卷七考證

謹案卷六第三頁前四行漢中谷名刊本谷訛石

據監本毛本改

第二十五頁後五行謂大將軍府掾屬刊本謂訛
諸據毛本改

考證第一頁前二行登雲臺刊本登訛發今改
卷七第五頁後八行王事靡鹽刊本鹽訛鹽今改
第十四頁前四行虞放寃句呂都亭刊本寃訛免

據毛本改

金文四百卷





總校官庶吉士臣張能照

校對官編修臣朱攸

謄錄監生臣單可記

欽定四庫全書叢要

史部

後漢書卷八

九

詳校官內閣侍讀臣孫
球



欽定四庫全書叢要卷三千八百四十二

史部

後漢書卷八

宋

宣

城

太

守范

曄撰

唐

章

懷

太

子

賢注

靈帝紀第八

孝靈皇帝諱宏

謚法曰亂而不損曰靈
伏侯古今注曰宏之字曰大

肅宗玄孫也

曾祖河間孝王開祖淑父長世封解瀆亭侯

淑以河間王子封為

解瀆亭侯萇襲父封故言世封也
帝襲侯爵母董夫人
解瀆亭在今定州義豐縣東北也

桓帝崩無子皇太后與父城門校尉竇武定策禁中使

守光祿大夫劉禡持節將左右羽林至河間奉迎

續漢志曰

桓帝之初京都童謡曰城上烏尾畢逋公為吏子為徒
一徒死百乘車車班班入河間河間妃女工數錢以錢
為室金為臺石上慊慊春黃梁梁下有懸鼓我欲擊之
丞卿怒城上烏者處高獨食不與下共謂人主多聚斂
也公為吏子為徒者言蠻夷叛逆父既為軍吏子弟又
為卒徒往擊之也一徒死百乘車者言前一人討胡既
死矣後又遣百乘車往也車班班者言乘輿班班入河
間迎靈帝也妃女數錢言帝既立其母永樂太后好聚
金以為堂室也石上慊慊者言太后雖積金錢猶慊慊
常若不足使人舂黃梁而食之也我欲擊之者言太后
教帝使貴官受錢天下忠篤之士怨望
欲擊鼓求見卿懸鼓者復怒而止我也

建寧元年春正月壬午城門校尉竇武為大將軍已亥

帝到夏門亭

東觀記曰到夏門外萬壽亭羣臣謁見

使竇武持節以王青

蓋車迎入殿中庚子即皇帝位年十二改元建寧以前

太尉陳蕃為太傅與竇武及司徒胡廣參錄尚書事使

護羌校尉段熲討先零羌二月辛酉葬孝桓皇帝於宣

陵

在洛陽東南三十里高十二丈周三百步

廟曰威宗庚午謁高廟辛未謁

世祖廟大赦天下賜民爵及帛各有差段熲大破先零

羌於逢義山

山在今原州平縣逢一作途

閏月甲午追尊皇祖為孝

元皇夫人夏氏為孝元皇后考為孝仁皇夫人董氏為

慎園貴人

慎園在今瀛州樂壽縣東南俗呼為二皇陵

夏四月戊辰太尉周

景薨司空宣鄆免長樂衛尉王暢為司空五月丁未朔

日有食之詔公卿以下各上封事及郡國守相舉有道

之士各一人又故刺史二千石清高有遺惠為衆所歸

者皆詣公車太中大夫劉矩為太尉六月京師雨水秋

七月破羌將軍段熲復破先零羌於涇陽

涇陽縣名屬安定故城在

原州涼縣南也八月司空王暢免宗正劉寵為司空九月丁亥

中常侍曹節矯詔誅太傅陳蕃大將軍竇武及尚書令

尹勲侍中劉瑜屯騎校尉馮述皆夷其族皇太后遷於

南宮

太后與竇武密謀欲誅曹節今武等既誅故太后被遷

司徒胡廣為太傅錄

尚書事司空劉寵為司徒大鴻臚許栩為司空冬十月

甲辰晦日有食之令天下繫囚罪未決入縗贖各有差

十一月太尉劉矩免太僕沛國聞人襲為太尉

姓聞人名襲字卯

定卿風俗通曰少正卯曾之聞人其後氏焉

十二月鮮卑及歲貊寇幽并二

二年春正月丁丑大赦天下三月乙巳尊慎園董貴人為孝仁皇后

續漢志曰置永樂宮儀如桓帝尊匱貴人之禮

夏四月癸巳大風

雨雹詔公卿以下各上封事五月太尉聞人襲罷司空

許栩免六月司徒劉寵為太尉太常許訓為司徒

訓字季師

平輿人太僕長沙劉囂為司空

囂字重寧

秋七月破羌將軍段

穎大破先零羌於射虎塞外谷東羌悉平九月江夏蠻叛州郡討平之丹陽山越賊圍太守陳夤夤擊破之冬

十月丁亥中常侍侯覽諷有司奏前司空虞放太僕杜

密長樂少府李膺司隸校尉朱瑀潁川太守巴肅沛相

荀翌河內太守魏朗山陽太守翟超皆為鉤黨下獄

鉤謂

相牽引也事見
劉淑李膺傳

死者百餘人妻子徙邊諸附從者錮及

五屬

五屬謂五服內親也

制詔州郡大舉鉤黨於是天下豪傑及

儒學行義者一切結為黨人

續漢志曰建寧中京都長者皆以葦方笥為裝具時

有識者竊言葦笥

郡國獻篋也後黨人禁錮

會赦有疑者皆讞廷尉人名悉入方笥中

庚子晦日

有食之十一月太尉劉寵免太僕郭禧為太尉

字公房扶溝人

也

禧音僖

鮮卑寇并州是歲長樂太僕曹節為車騎將軍百

餘日罷

三年春正月河內人婦食夫河南人夫食婦三月丙寅晦日有食之夏四月太尉郭禧罷太中大夫聞人襲為太尉秋七月司空劉囂罷八月大鴻臚橋玄為司空九

月執金吾董寵下獄死冬濟南賊起攻東平陵

東平陵縣名屬

濟南郡故城在今濟州東

鬱林烏滸民相率內屬

烏滸南方夷號也廣州記曰其俗食

人以鼻飲水口
中進吸如故

四年春正月甲子帝加元服大赦天下賜公卿以下各

有差唯黨人不赦二月癸卯地
震海水溢河水清三月

辛酉朔日有食之太尉聞人
襲免太僕李咸為太尉

字元

卓汝南西平人詔公卿至六百石各上封事大疫使中謁者巡

行致醫藥司徒許訓免司空橋玄為司徒夏四月太常

來豔為司空

豔字季德南陽新野人

五月河東地裂雨雹山水暴

出秋七月司空來豔免癸丑立貴人宋氏為皇后

執金吾宋

鄧女前年入掖庭為貴人司徒橋玄免太常宗俱為司空

俱字伯儼南陽安定

人前司空許栩為司徒冬鮮卑寇并州

熹平元年春三月壬戌太傅胡廣薨夏五月己巳大赦

天下改元熹平長樂太僕侯覽有罪自殺六月京師雨

水癸巳皇后竇氏崩秋七月甲寅葬桓思皇后宦官

諷司隸校尉段熲捕繫太學諸生千餘人

時有人書朱雀闕云天下

大亂公卿皆尸祿故捕之事見宦官傳冬十月勃海王悝被誣謀反丁亥

悝及妻子皆自殺十一月會稽人許生自稱越王寇郡

縣

東觀記曰會稽許昭聚衆自稱大將軍立父生為越王攻破郡縣

遣揚州刺史臧旻

丹陽太守陳夤討破之十二月司徒許栩罷大鴻臚袁

隗為司徒鮮卑寇并州是歲甘陵王恢薨

二年春正月大疫使使者巡行致醫藥丁丑司空宗俱

薨二月壬午大赦天下以光祿勳楊賜為司空三月太

尉李咸免夏五月以司隸校尉段熲為太尉沛相師遷

坐誣罔國王下獄死

國王陳愍王寵也臣賢案陳敬王傳云國相師遷又東觀記曰陳行

相師遷秦沛相魏愔前為陳相與陳王寵文通明魏愔為沛相此言師遷為沛相蓋誤也

六月北海

地震東萊北海海水溢

續漢志曰時出大魚二枚各長八九丈高二丈餘

秋七

月司空楊賜免太常穎川唐珍為司空冬十二月日南

徵外國重譯貢獻太尉段熲罷鮮卑寇幽并二州癸酉晦日有食之

三年春正月夫餘國遣使貢獻二月己巳大赦天下太常陳耽為太尉耽字漢公東海人也三月中山王暢薨無子國除

夏六月封河間王利子康為濟南王奉孝仁皇祀秋洛水溢冬十月癸丑令天下繫囚罪未決入縗贖十一月揚州刺史臧旻率丹陽太守陳夤大破許生於會稽斬之任城王博薨十二月鮮卑寇北地北地太守夏育追

擊破之鮮卑又寇并州司空唐珍罷永樂少府許訓為
司空

四年春三月詔諸儒正五經文字刻石立於太學門外
封河間王建孫佗為任城王建桓帝弟夏四月郡國七大水
五月丁卯大赦天下延園陵災成帝陵也在今武陽縣西遣使者持

節告祠延陵鮮卑寇幽州六月弘農三輔螟遣守宮令

之鹽監穿渠為民興利

前漢地理志及續漢郡國志並無鹽今蒲州安邑縣西南有鹽

城○劉攽曰注鹽城當作鹽池耳及無鹽字下當有一監字說文監字訓為鹽池然則注家案地志求監所在

則無之二漢志不謂池為監也而據今所見則有池云

令郡國遇災者減田租之

半其傷害什四以上勿收責冬十月丁巳令天下繫囚

罪未決入縗贖拜冲帝母虞美人為憲園貴人

順帝虞美人也

憲園在洛陽東北

質帝母陳夫人為渤海孝王妃

渤海孝王鴻之夫人也

改平準為中準

漢官儀曰平準令一人秩六百石也

使宦者為令列於內

署自是諸署悉以閹人為丞令

五年夏四月癸亥大赦天下益州郡夷叛太守李顥討

平之復崇高山名為嵩高山

前書武帝祠中嶽改嵩高為崇高東觀記曰使中郎

將堂谿典請雨因上
言改之名為嵩高山

大雩使侍御史行詔獄亭部理冤

枉原輕繫休囚徒五月太尉陳耽罷司空許訓為太尉
閏月永昌太守曹鸞坐訟黨人棄市

訟謂申理之也其
言功直帝怒檻車

送槐里獄掠殺之也詔黨人門生故吏父兄子弟在位者皆免官

禁錮六月壬戌太常南陽劉逸

字大迥安衆人為司空秋七月

太尉許訓罷光祿勳劉寬為太尉冬十月壬午御殿後

槐樹自拔倒豎司徒袁隗罷十一月丙戌光祿大夫楊

賜為司徒十二月甘陵王定薨試太學生年六十以上

百餘人除郎中太子舍人至王家郎郡國文學史

漢官儀曰

太子舍人王家郎中並秩二百石無員

是歲鮮卑寇幽州沛國言黃龍見譙

六年春正月辛巳大赦天下二月南宮平城門及武

庫東垣屋自壞

平城門洛陽城南門也蔡邕曰平城門正陽之門與宮連郊祀法駕所從出門

之最尊者武庫禁兵所藏東垣庫之外障易傳曰小人在位厥妖城門自壞

夏四月大旱七

州蝗鮮卑寇三邊

謂東西與北邊

市賈民為宣陵孝子者數十

人皆除太子舍人秋七月司空劉逸免衛尉陳球為司

空八月遣破鮮卑中郎將田晏出雲中使匈奴中郎將

臧旻與南單于出鴈門護烏桓校尉夏育出高柳並伐

鮮卑晏等大敗冬十月癸丑朔日有食之太尉劉寬免

帝臨辟雍辛丑京師地震辛亥令天下繫囚罪未決入

縗贖十一月司空陳球免十二月甲寅太常河南孟懿

為太尉

穢字叔達音七六反

庚辰司徒楊賜免太常陳耽為司空

鮮卑寇遼西永安太僕王旻下獄死

永安宮之太僕也

光和元年春正月合浦交趾烏滸蠻叛招引九真日南

民攻沒郡縣太尉孟穢罷二月辛亥朔日有食之癸丑

光祿勳陳國袁滂為司徒

滂字公喜

己未地震始置鴻都門

學生

鴻都門名也於內置學時其中諸生皆勃州郡三公舉召能為尺牘辭賦及工書鳥篆者相課試至

千人焉

三月辛丑大赦天下改元光和太常常山張顥為

太尉

顥字智明搜神記曰顥為梁相新雨後有鵲飛翔近地令人擿之墮地化為圓石顥命椎破得一金

印文曰忠孝侯印

夏四月丙辰地震侍中寺雌雞化為雉司空

陳耽免太常來豔為司空

五月壬午有白衣人入德陽

殿門亡去不獲

東觀記曰白衣人言染伯夏教我殿與中黃門桓賢語因忽不見

六月

丁丑有黑氣墮所御溫德殿庭中

東觀記曰墮所御溫殿庭中如車蓋隆

起奮迅五色有頭體
長十餘丈形貌似龍

秋七月壬子青虹見御坐玉堂後

殿庭中

洛陽宮殿名南宮有玉堂前後殿據楊賜傳云墮嘉德殿前

八月有星孛於

天市九月太尉張顥罷太常陳球為太尉司空來豔薨

冬十月屯騎校尉袁逢為司空皇后宋氏廢后父執金

吾鄧下獄死丙子晦日有食之十一月太尉陳球免十

二月丁巳光祿大夫橋玄為太尉是歲鮮卑寇酒泉京

師馬生人

京房易傳曰諸侯相伐厥妖馬生人

初開西邸賣官自關內侯

虎賁羽林入錢各有差

山陽公載記曰時賣官二千石一千萬四百石四百萬其以德

次應選者半之或三分之一於西園立庫以貯之私令左右賣公卿公千萬卿

五百萬

二年春大疫使常侍中謁者巡行致醫藥三月司徒袁滂免大鴻臚劉郃為司徒

郃字季承

乙丑太尉橋玄罷太中

大夫段熲為太尉京兆地震司空袁逢罷太常張濟為

司空

濟字元江
細陽人

夏四月甲戌朔日有食之辛巳中常侍

王甫及太尉段熲並下獄死丁酉大赦天下諸黨人禁

錮小功以下皆除之

時上祿長和淳上言黨人錮及五族有乖典訓帝從之

東平

王端薨五月衛尉劉寬為太尉秋七月使匈奴中郎將

張修有罪下獄死

時張修擅斬單于呼微更立羌渠為單于故坐死

冬十月甲

申司徒劉郃永樂少府陳球衛尉陽球步兵校尉劉納

謀誅宦者事泄皆下獄死巴郡板楯蠻叛遣御史中丞

蕭瑗督益州刺史討之不克十二月光祿勳楊賜為司

徒鮮卑寇幽并二州是歲河間王利薨洛陽女子生兒

兩頭四臂

京房易傳曰二首下不一也厥妖人生兩頭

三年春正月癸酉大赦天下二月公府駐駕廡自壞

公府

三公府也駐駕停車處也廡廊屋也音無禹反續漢志云南北四十餘間壞

三月梁王元薨

夏四月江夏蠻叛六月詔公卿舉能通尚書毛詩左氏穀梁春秋各一人悉除議郎秋表是地震涌水出

表是縣屬

酒泉郡故城在今甘州張掖縣西北

八月令繫囚罪未決入縗贖各有差

冬閏月有星孛於狼弧二星名也鮮卑寇幽并二州十二月

己巳立貴人何氏為皇后

南陽宛人也車騎將軍何貢女

是歲作單主

靈昆苑

單圭苑有二東單圭苑周一千五百步中有魚梁臺西單圭苑周三千三百步並在洛陽宣平

四年春正月初置驃驥丞領受郡國調馬

驃驥善馬也謂徵

發也豪右辜權馬一匹至二百萬

前書音義曰辜障也權專也謂障餘人賣買而

自取其利

二月郡國上芝英草夏四月庚子大赦天下交阯

刺史朱雋討交阯合浦烏滸蠻破之六月庚辰雨雹

續漢書曰電大如雞子

秋七月河南言鳳皇見新城羣鳥隨之賜新

城令及三老力田帛各有差九月庚寅朔日有食之太

尉劉寬免衛尉許穀為太尉閏月辛酉北宮東掖庭丞

巷署災

永巷宮中署名也漢官儀曰令一人宦者為之秩六百石掌宮婢侍使○劉放曰注侍使案使

當作史即給尚書郎侍史之類司徒楊賜罷冬十月太常陳耽為司徒

鮮卑寇幽并二州是歲帝作列肆於後宮使諸采女販

賣更相盜竊爭鬭帝著商估服飲宴為樂又於西園弄

狗著進賢冠帶綬

三禮圖曰進賢冠文官服之前高七寸後高三寸長八寸續漢志曰靈帝

寵用便嬖子弟轉相汲引賣關內侯直五百萬令長強者貧如豺狼弱者畧不類物實狗而冠也昌邑王見狗冠方山冠龔遂曰王之左右皆狗而冠

又駕四驥帝躬自操轡驅馳周旋

京師轉相放效

續漢志曰驥者乃服重致遠上下山谷野人之所用耳何有帝王君子而駿駕

之乎天意若曰國且大亂賢愚倒植凡執政者皆如驥也

五年春正月辛未大赦天下二月大疫三月司徒陳耽

免夏四月旱太常袁隗為司徒五月庚申永樂宮署災

續漢志曰德陽前殿西北入門內永樂太后宮署災秋七月有星孛於太微巴郡

板楯蠻詣太守曹謙降癸酉令繫囚罪未決入饑贖八

月起四百尺觀於阿亭道冬十月太尉許禡罷太常楊

賜為太尉校獵上林苑歷函谷關遂巡狩於廣成苑十

二月還幸太學

六年春正月日南微外國重譯貢獻二月復長陵縣比

豐沛三月辛未大赦天下夏大旱秋金城河水溢五原
山岸崩始置圃囿署以宦者為令冬東海東萊琅邪并
中冰厚尺餘大有年

中平元年春二月鉅鹿人張角自稱黃天其部師有三
十六萬皆著黃巾同日反叛續漢書曰三
十六萬餘人安平甘陵人

各執其王以應之

安平王續
甘陵王忠

三月戊申以河南尹何進

為大將軍將兵屯都亭置八關都尉官

都亭在洛陽八
關謂函谷廣城

伊闕大谷轘轔旋
門小平津孟津也

壬子大赦天下黨人還諸徙者

時中常侍

呂彊言於帝曰黨錮久積若與黃巾合謀悔之無救帝懼皆赦之

唯張角不赦詔公卿

出馬騁舉列將子孫及吏民有明戰陣之畧者詣公車

遣北中郎將盧植討張角左中郎將皇甫嵩右中郎將

朱儁討潁川黃巾庚子南陽黃巾張曼成攻殺郡守褚

貢夏四月太尉楊賜免太僕弘農鄧盛為太尉

盛字伯能

司空張濟罷大司農張溫為司空朱儁為黃巾波才所敗

侍中向栩張鈞坐言宦者下獄死

時鈞上書曰今斬常侍懸其首於南郊以

謝天下即兵自消也

帝

以章示常侍故下獄也

汝南黃巾敗太守趙謙於邵陵

邵陵縣名屬汝南郡故城在今豫州郾城縣東

廣陽黃巾殺幽州刺史郭勲及

破之

長社今許州縣也故城在長葛縣西

六月南陽太守秦頡擊張曼成

斬之交阯屯兵執刺史及合浦太守來達自稱柱天將

軍遣交趾刺史賈琮討平之皇甫嵩朱儁大破汝南黃

巾於西華

西華縣屬汝南郡故城在今陳州項城縣西

詔嵩討東郡朱儁討

南陽盧植破黃巾圍張角於廣宗宦官誣奏植抵罪

植連

破張角垂當拔之小黃門左豐言於帝曰盧中郎固壘息軍以待天誅帝怒遂檻車械植滅死一等遣中

郎將董卓攻張角不剋洛陽女子生兒兩頭共身

續漢志曰

上西門外女子生兒兩頭異肩共胃以為不祥墮地棄之其後政在私門上下無別兩頭之象

秋七月

巴郡妖巫張修反寇郡縣

劉艾紀曰時巴郡巫人張修療病愈者雇以五斗米號為

五斗米師河南尹徐灌下獄死八月皇甫嵩與黃巾戰於倉

亭獲其帥

其帥卜已也倉亭在東郡

乙巳詔皇甫嵩北討張角九月

安平王續有罪誅國除冬十月皇甫嵩與黃巾賊戰於

廣宗獲張角弟梁角先死乃戮其屍

發棺斷頭傳送馬市

以皇甫

嵩為左車騎將軍十一月皇甫嵩又破黃巾於下曲陽

斬張角弟寶湟中義從胡北宮伯玉與先零羌叛以金

城人邊章韓遂為軍帥攻殺護羌校尉伶徵金城太守

陳懿

伶姓也周有大夫伶州鳩

癸巳朱儁拔宛城斬黃巾別帥孫夏

詔減太官珍羞御食一肉廄馬非郊祭之用悉出給軍

十二月己巳大赦天下改元中平是歲下邳王意薨無

子國除郡國生異草備龍蛇鳥獸之形

風俗通曰亦作人狀操持兵弩

一一備具續漢志曰龍蛇鳥獸其狀毛羽頭目足翅皆具是歲黃巾賊起漢遂微弱

二年春正月大疫琅邪王據薨二月己酉南宮大災火

半月乃滅

續漢志曰時燒靈臺殿樂成殿延及北闕度道西燒嘉德和雍殿

已亥廣陽

門外屋自壞

洛陽城西面南頭門也

稅天下田畝十錢

以修宮室

黑山

賊張牛角等十餘輩並起所在寇鈔司徒袁隗免三月

廷尉崔烈為司徒北宮伯玉等寇三輔遣左車騎將軍

皇甫嵩討之不剋夏四月庚戌大風雨雹五月太尉鄧

盛罷太僕河南張延為太尉

延字公威
敵之子

秋七月三輔螟

左車騎將軍皇甫嵩免八月以司空張溫為車騎將軍

討北宮伯玉九月特進楊賜為司空冬十月庚寅司空

楊賜薨光祿大夫許相為司空

相字公弼平與人許訓之子

前司徒

陳耽諫議大夫劉陶坐直言下獄死十一月張溫破北

宮伯玉於美陽因遣盜寇將軍周慎追擊之圍榆中

縣名

故城在今蘭州金城縣東也又遣中郎將董卓討羌零羌慎卓並不

剋鮮卑寇幽并二州是歲造萬金堂於西園洛陽民生

兒兩頭四臂

三年春二月江夏兵趙慈反殺南陽太守秦頡庚戌大赦天下太尉張延罷車騎將軍張溫為太尉中常侍趙

忠為車騎將軍復修玉堂殿鑄銅人四黃鍾四

其音中黃鍾也

子為

及天祿蝦蟆又鑄四出文錢

天祿獸也時使掖廷令畢嵐鑄銅人列於

黃鍾

及天祿蝦蟆又鑄四出文錢

天祿獸也時使掖廷令畢嵐鑄銅人列於

蒼龍玄武關外鍾懸於玉堂及雲臺殿前天祿蝦蟆吐水於平門外事具宦者傳案今鄧州南陽縣北有宗資碑旁有兩石獸鵝其脣一曰天祿一曰辟邪據此即天祿辟邪並獸名也漢有天祿閣亦因獸以立名

五

月壬辰晦日有食之六月荊州刺史王敏討趙慈斬之

車騎將軍趙忠罷秋八月懷陵上有雀萬數悲鳴因鬪

相殺

懷陵冲帝陵也續漢志曰天戒若曰諸懷爵祿而尊厚者還自相害也

冬十月武陵

蠻叛寇郡界郡兵討破之前太尉張延為宦人所譖下

獄死十二月鮮卑寇幽并二州

四年春正月己卯大赦天下二月滎陽賊殺中牟令

中牟

今鄭州縣劉艾紀曰令落皓及主簿潘業臨陣不顧皆被害己亥南宮內殿吳恩自

壞前書音義曰果恩連闕曲閭也音浮思

三月河南尹何苗討滎陽賊破

之拜苗為車騎將軍夏四月涼州刺史耿鄙討金城賊韓遂鄙兵大敗遂寇漢陽漢陽太守傅燮戰沒扶風人馬騰漢陽人王國並叛寇三輔太尉張溫免司徒崔烈為太尉五月司空許相為司徒光祿勳沛國丁宮為司

空宮字元雄

六月洛陽民生男兩頭共身

劉艾紀曰上西門外劉倉妻生也

漁陽人張純與同郡張舉舉兵叛

○劉攽曰案他處叛賊未嘗言舉兵者當

由其人名舉故行攻殺右北平太守劉政遼東太守楊終護烏桓校尉公綦稠等舉兵自稱天子寇幽冀二州

○劉攽曰案張

來自稱天子誤出一兵字秋九月丁酉令天下繫囚罪未決入縗贖

冬十月零陵人觀鵠

觀姓名

自稱平天將軍寇桂陽長沙

太守孫堅擊斬之十一月太尉崔烈罷大司農曹嵩為

太尉十二月休屠各胡叛是歲賣關內侯假金印紫綬

傳世入錢五百萬

五年春正月休屠各胡寇西河殺郡守邢紀丁酉大赦

天下二月有星孛於紫宮黃巾餘賊郭大等起於西河

白波谷寇太原河東三月休屠各胡攻殺并州刺史張

懿遂與南匈奴左部胡合殺其單于夏四月汝南葛陂

黃巾攻沒郡縣

葛陂在今豫州新蔡縣西北

太尉曹嵩罷五月永樂

少府樊陵為太尉

陵字德雲胡陽人也

六月丙寅大風太尉樊陵

罷益州黃巾馬相攻殺刺史郗儉自稱天子又寇巴郡

殺郡守趙部益州從事賈龍擊相斬之郡國七大水秋
七月射聲校尉馬日磾為太尉八月初置西園八校尉
樂資山陽公載記曰小黃門蹇碩為上軍校尉虎賁中
郎將袁紹為中軍校尉屯騎校尉鮑鴻為下軍校尉議
郎曹操為典軍校尉趙融為助軍左校尉馮芳為助軍
右校尉諫議大夫夏侯為左校尉淳于瓊為右校尉凡
八校尉皆統於蹇碩

司徒許相罷司空丁宮為司徒光祿勳南陽

劉弘為司空

字子高

安衆人

衛尉董重為驃騎將軍九月南單

于叛與白波賊寇河東遣中郎將孟益率騎都尉公孫
瓚討漁陽賊張純等冬十月壬午御殿後槐樹自拔倒

豎青徐黃巾復起寇郡縣甲子帝自稱無上將軍燿兵

於平樂觀

平樂觀在洛陽城西

十一月涼州賊王國圍陳倉右將

軍皇甫嵩救之遣下軍校尉鮑鴻討葛陂黃巾巴郡板

楯蠻叛遣上軍別部司馬趙瑾討平之公孫瓚與張純

戰於石門大破之

時烏桓反叛與賊張純等攻薊中故
瓚追擊之石門山名在今營州西南

是歲改刺史新置牧

六年春二月左將軍皇甫嵩大破王國於陳倉三月幽

州牧劉虞購斬漁陽賊張純下軍校尉鮑鴻下獄死夏

四月丙午朔日有食之太尉馬日磾免幽州牧劉虞為
太尉丙辰帝崩於南宮嘉德殿年三十四戊午皇子辯
即皇帝位年十七尊皇后曰皇太后太后臨朝大赦天
下改元為光熹封皇弟協為渤海王後將軍袁隗為太
傅與大將軍何進參錄尚書事上軍校尉蹇硕下獄

時蹇

碩謀欲立渤海王協發覺○劉放曰正文
蹇硕下獄案碩以此時誅明少一死字

五月辛巳驃

騎將軍董重下獄死

董重皇后之弟子也

六月辛亥孝仁皇后董

氏崩辛酉葬孝靈皇帝於文陵

在洛陽西北三十里陵高十二丈周回三百步

雨水秋七月甘陵王忠薨庚寅孝仁皇后歸葬河間慎
陵徙渤海王協為陳留王司徒丁宮罷八月戊辰中常
侍張讓段珪等殺大將軍何進於是虎賁中郎將袁術
燒東西宮攻諸宦者庚午張讓段珪等劫少帝及陳留
王幸北宮德陽殿何進部曲將吳匡與車騎將軍何苗
戰於朱雀闕下苗敗斬之辛未司隸校尉袁紹勒兵收
偽司隸校尉樊陵河南尹許相及諸閹人無少長皆斬
之讓珪等復劫少帝陳留王走小平津小平津在今鞏縣西北續漢志

獻帝未有爵號為段珪等所執公卿百官皆隨其後到河上乃得還

尚書盧植追讓珪等斬數人其餘投河而死

獻帝

春秋曰河南中部掾閩貢見天子出率騎追之北到河上天子飢渴貢宰羊進之厲聲責讓等曰君以閩宦之隸刀鋸之殘越從涇泥扶侍日月賣弄國恩階賤為貴劫迫帝王蕩覆王室假息漏刻遊魂河津自亡新以來

姦臣賊子未有如君者今不速死吾射殺汝讓等惶怖

义手再拜叩頭向天子辭曰臣等死陛下自愛遂投河

死帝與陳留王協夜步逐熒光行數里得民家露車共

乘之辛未還宮大赦天下改光熹為昭寧并州牧董卓

殺執金吾丁原司空劉弘免董卓自為司空九月甲戌

董卓廢帝為弘農王自六月雨至於是月

論曰秦本紀說趙高誦二世指鹿為馬

史記曰趙高欲為亂恐羣臣不

聽乃先設驗持鹿獻胡亥曰馬也胡亥曰丞相誤也以問羣臣左右或言馬或言鹿者高皆陰法中之自此左右不敢言之也而趙忠張讓亦紿靈帝不得登高臨觀

時宦官並起第

宅擬則宮室帝常登永安候臺宦官恐望見之乃使趙忠等諫曰人君不當登高登高則百姓散離自是不敢復登臺榭見宦官傳故知亡敝者同其致矣然則靈帝之為靈也

優哉

贊曰靈帝負乘委體宦孽

易曰負且乘致寇至言帝以小人而乘君子之器

徵

亡備兆小雅盡缺

詩小雅曰小雅廢則四夷交侵中國微矣缺亦廢也

麋鹿霜露

遂棲宮衛

史記曰伍子胥諫吳王吳王不聽子胥曰臣今見麋鹿遊於姑蘇之臺宮中生荆棘露沾

木也言帝為政貪亂任寄不得其人尋以獻帝遷
洛陽丘墟故麋鹿棲宮衛也協韻衛音于別反

劉放曰熹平五年書十月壬午御殿後槐樹自拔倒

豎中平五年又書十月壬午御殿後槐樹自拔倒豎

年數日月無少異者蓋必有一誤臣放案中平五年

十月又書甲子帝稱無上將軍云云壬午到甲子凡

四十五日非一月所能兼也則中平所記
為衍矣又案續漢志中平五年亦無此異

後漢書卷八

後漢書卷八考證

靈帝紀癸酉晦日有食之○晦監本訛朔從宋本改

臣

會汾

按上文已序冬十二月事係此語於年終當作

晦字元年二年日食皆在十月晦晦而日食司天者

失其御也

六月詔公卿舉能通尚書毛詩左氏穀梁春秋各一人

○顧炎武曰尚書上脫古文二字

其部師有三十六萬○師當作帥萬當作方○何焯曰

三十六方見皇甫嵩傳不知何自訛寫為万復緣注
引續漢書語相沿不察也

後漢書卷八考證

欽定四庫全書

後漢書卷九

史部

宋宣城太守范曄撰

唐章懷太子賢注

獻帝紀第九

孝獻皇帝諱協靈帝中子也

謚法曰聰明睿智曰獻
協之字曰合
張璠記曰靈帝

以帝似已故名曰協
帝王紀曰協字伯和

母王美人為何皇后所害中平六年

四月少帝即位封帝為渤海王徙封陳留王九月甲

成即皇帝位年九歲遷皇太后於永安宮

董卓遷也。洛陽宮殿名曰

永安宮周迴六百九十八丈故基在洛陽故城中

大赦天下改昭寧為永漢丙

子董卓殺皇太后何氏初令侍中給事黃門侍郎員各

六人

續漢志曰侍中比二千石無員漢官儀曰侍中左

蟬

右貂

本秦丞相史

往來殿中故謂之侍中

分掌

乘輿服物下至裘噦

虎子之屬武帝時孔安國為侍中

以其儒者特聽掌御坐唾壺

朝廷榮之至東京時屬少

府

亦無員駕出則一人負傳國璽操斬蛇劍秉輿中官

俱止

禁中又曰給事

黃門侍郎

六百石無員掌侍從左

右給事中使關通中外應劭曰黃門侍郎每日暮向青

瑣門

拜謂之夕郎輿服志曰禁門曰黃闈以中人主之

故號曰黃門令然則黃門郎給事黃闈之內故曰黃門

郎本既無員於此各置六人也獻帝起居注曰自誅黃

門後侍中侍郎出入禁中機事頗露由是王允乃奏侍
中黃門不得出入不通賓客自此始也○劉放曰註乘
輿中官俱止禁中案文當云參乘與賜公卿以下至黃
門侍郎家一人為郎以補宦官所領諸署侍於殿上

靈帝

熹平四年改平準為中準使宦官為令自是諸內
署令丞悉以閑人為之故今竝令士人代領之

乙酉

以太尉劉虞為大司馬董卓自為太尉加鉞鉞虎賁

禮記

曰諸侯賜鉞鉞然後專殺說文曰鉞莖刀

也蒼頡篇曰鉞斧也加鉞鉞者與專殺也

丙戌太中大

夫楊彪為司空甲午豫州牧黃琬為司徒遣使弔祠故
太傅陳蕃大將軍竇武等冬十月乙巳葬靈思皇后白

波賊寇河東

薛瑩書曰黃巾郭泰等起於西河白波谷時謂之白波賊

董卓遣其將

牛輔擊之十一月癸酉董卓為相國十二月戊戌司徒

黃琬為太尉司空楊彪為司徒光祿勳荀爽為司空省

扶風都尉置漢安都護

扶風都尉比二千石武帝元鼎四年置中興不改至此以羌擾

三輔故省之置都護令總統西方詔除光熹昭寧永漢三號還復中平

六年

初平元年春正月山東州郡起兵以討董卓辛亥大赦天下癸酉董卓殺弘農王白波賊寇東郡二月乙亥太

尉黃琬司徒楊彪免庚辰董卓殺城門校尉伍瓊督軍

校尉周珌

珌音必東觀記曰周珌豫州刺史慎之子也續漢書魏志竝作毖音祕

以光祿

黜趙謙為太尉

謝承書曰謙字彥信太尉趙戒之孫蜀郡成都人也

太僕王允為

司徒丁亥遷都長安董卓驅徙京師百姓悉西入關自

留屯郿主苑壬辰白虹貫日三月乙巳車駕入長安辛

未央宮

未央宮蕭何所造也張璠記曰將入宮日大雨晝晦翟雉飛入長安宮

己酉董卓

焚洛陽宮廟及人家戊午董卓殺太傅袁隗太僕袁基

夷其族

隗紹之叔父基袁術之母兄卓以山東兵起依紹術為主故誅其親屬獻帝春秋曰尺口以上

男女五千餘人皆下獄死夏五月司空荀爽薨六月辛丑光祿大夫

種拂為司空大鴻臚韓融少府陰脩執金吾胡母班

風俗

通云胡母姓本陳胡公之後也公子完奔齊遂有齊國齊宣王母弟別封母鄉遠本胡公近取母邑故曰胡母

氏將作大匠吳脩越騎校尉王瓌安集關東後將軍袁

術河內太守王匡各執而殺之

英雄記曰匡字公節太山人也輕財好施以任

俠聞為袁紹唯韓融獲免董卓壞五銖錢更鑄小錢

光武

河內太守中興除王莽貨泉更用五銖錢冬十一月庚戌鎮星熒惑太白合於尾

是歲有司奏和安順桓四帝無功德不宜稱宗又恭懷

敬隱恭愍三皇后竝非正嫡不合稱后皆請除尊號制
曰可和帝號穆宗安帝號恭宗順帝號敬宗桓帝號威
宗和帝尊母梁貴人曰恭懷皇后安帝尊祖母宋
貴人曰敬隱皇后順帝尊母李氏曰恭愍皇后
孫堅殺荊州刺史王叡王氏譜
通曇晉太保祥伯父也吳錄曰叡素遇堅無禮堅此時
欲殺叡叡曰我何罪堅曰坐無所知罪叡窮迫刮金飲
之而死又殺南陽太守張咨

二年春正月辛丑大赦天下二月丁丑董卓自為太師
袁術遣將孫堅與董卓將胡軫戰於陽人陽人聚名屬
在今汝州梁縣西史記秦滅東周徙其君於陽人聚即此地也軫軍大敗董卓遂發掘

洛陽諸帝陵夏四月董卓入長安六月丙戌地震秋七

月司空种拂免光祿大夫濟南淳于嘉為司空太尉趙

謙罷太常馬日磾為太尉九月蚩尤旗見于角亢

天官書曰

蚩尤之旗類彗而後曲象旗熒惑之精也呂氏春秋云其色黃上白下見則王者征伐四方角亢蒼龍之星

冬十月壬戌董卓殺衛尉張溫十一月青州黃巾寇泰

山泰山太守應劭擊破之黃巾轉寇渤海公孫瓚與戰

於東光復大破之

東光今滄州縣

是歲長沙有人死經月復活

三年春正月丁丑大赦天下袁術遣將孫堅攻劉表於

襄陽堅戰歿袁紹及公孫瓚戰于界橋

今貝州宗城縣東有古界城近

枯漳水則界橋在此也

瓚軍大敗夏四月辛巳誅董卓夷三族司徒王允錄尚書事總朝政遣使者張種撫慰山東青州

黃巾擊殺兗州刺史劉岱於東平東郡太守曹操大破

黃巾於壽張降之五月丁酉大赦天下丁未征西將軍

皇甫嵩為車騎將軍董卓部曲將李傕郭汜樊稠張濟

等反攻京師六月戊午陷長安城太常种拂太僕魯旭

大鴻臚周奐

三輔決錄注曰奐字文明茂陵人

城門校尉崔烈越騎校

卷九
九月
尉王頑竝戰歿

頑音
祈

吏民死者萬餘人李傕等竝自為

將軍已未大赦天下李傕殺司隸校尉黃琬甲子殺司

徒王允皆滅其族丙子前將軍趙謙為司徒秋七月庚

子太尉馬日磾為太傅錄尚書事八月遣日磾及太僕

趙岐持節慰撫天下車騎將軍皇甫嵩為太尉司徒趙

謙罷九月李傕自為車騎將軍郭汜後將軍樊稠右將

軍張濟鎮東將軍濟出屯弘農甲申司空淳于嘉為司

徒光祿大夫楊彪為司空竝錄尚書事冬十二月太尉

皇甫嵩免光祿大夫周忠為太尉參錄尚書事

四年春正月甲寅朔日有食之

袁宏記曰時未晡八刻
太史令王立奏曰晷過

度無變也朝臣皆賀帝令候焉未晡一刻而食賈詣奏
曰立司候不明疑誤上下請付理官帝曰天道遠事驗
難明欲歸咎史官益重朕之不德也

丁卯大赦天下三月袁術赦揚州刺

史陳溫據淮南長安宣平城門外屋自壞

三輔黃圖曰
長安城東面

北頭也夏五月癸酉無雲而雷六月扶風大雨雹華山崩

裂太尉周忠免太僕朱雋為太尉錄尚書事下邳賊閼

宣自稱天子

風俗通曰閼姓也承閼黨童子之後也縱橫家有閼子著書

雨水遣侍

御史裴茂訊詔獄原輕繫六月辛丑天狗西北行

前書音義

曰有聲為天狗無聲為枉矢

九月甲午試儒生四十餘人上第賜位

卽中次太子舍人下第者罷之詔曰孔子歎學之不講
講習也論語之文不講則所識日忘今耆儒年踰六十去離本

土營求糧資不得專業結童入學白首空歸長委農野
永絕榮望朕甚愍焉其依科罷者聽為太子舍人

劉文獻帝

紀曰時長安中為之謠曰頭白皓然食不充糧裏衣蹇
裳當還故鄉聖王愍念悉用補卽舍是布衣被服玄黃

冬十月太學行禮車駕幸永福城門臨觀其儀賜博士

以下各有差辛丑京師地震有星孛于天市

袁宏記曰
孛于天市

將從天子移都其後上東遷之應也

司空楊彪免太常趙溫為司空公孫

瓊殺大司馬劉虞十二月辛丑地震司空趙溫免乙巳

衛尉張喜為司空

獻帝春秋
曰喜作嘉

是歲琅邪王容薨

興平元年春正月辛酉大赦天下改元興平甲子帝加

元服二月壬午追尊謚皇妣王氏為靈懷皇后甲申改

葬于文昭陵丁亥帝耕于籍田三月韓遂馬騰與郭汜

樊稠戰於長平觀遂勝敗績左中郎將劉範前益州刺

史种劭戰歿

前書音義曰長平陂名也上有觀在池陽宮南去長安五十里今涇水南原眭城是

也袁宏紀曰是時馬騰以李傕等專亂以益州刺史劉焉宗室大臣遣使招引共誅傕焉遣子範將兵就騰故

涼州刺史种劭太常拂之子也拂為傕所害劭欲報仇遂為此戰

夏六月丙子分涼州

河西四郡為隴州

謂金城酒泉敦煌張掖

丁丑地震戊寅又震乙

巳晦日有食之帝避正殿寢兵不聽事五日大蝗秋七

月壬子太尉朱儁免戊午太常楊彪為太尉錄尚書事

三輔大旱自四月至于是月帝避正殿請雨遣使者洗

囚徒原輕繫

洗謂蕩滌也

是歲穀一斛五十萬豆麥一斛二

十萬人相食啖白骨委積帝使侍御史侯汶出太倉米

豆為飢人作糜粥經日而死者無降帝疑賦卽有虛乃

親於御坐前量試作糜乃知非實

袁宏紀曰時勅侍中
劉艾取米豆五升於

御前作糜得滿三盃於是詔尚書曰
米豆五升得糜三盃而人委頓何也

使侍中劉艾出讓

有司於是尚書令以下皆詣省閣謝

○劉放曰案閣當
作閣閣門也詣閣

無理奏收侯汶考實詔曰未忍致汶于理可杖五十自是

之後多得全濟八月馮翊羌叛寇屬縣郭汜樊稠擊破之九月桑復生椹人得以食司徒淳于嘉罷冬十月長

安市門自壞以衛尉趙溫為司徒錄尚書事十二月分

安定扶風為新平郡是歲揚州刺史劉繇與袁術將孫

策戰于曲阿

策字伯符孫堅子
曲阿今潤州縣

繇軍敗績孫策遂據江

東

吳志曰孫策既破繇遂度兵
據會稽策自領會稽太守

太傅馬日磾薨于壽春

壽春縣名屬九江

郡今壽春縣也

二年春正月癸丑大赦天下二月乙亥李傕殺樊稠而

與郭汜相攻三月丙寅李傕脇帝幸其營焚宮室夏四

月甲午立貴人伏氏為皇后丁酉郭汜攻李傕矢及御

前山陽公載記曰時弓弩並發天下如雨及御所止高樓殿前帷簾也是日李傕移帝幸

北塢

服虔通俗文曰營居曰塢一日庫城也山陽公載記曰時帝在南塢傕在北塢時流矢中傕左耳乃

迎帝幸北塢帝不肯從強之乃行

大旱五月壬午李傕自為大司馬六

月庚午張濟自陝來和傕汜秋七月甲子車駕東歸郭

汜自為車騎將軍楊定為後將軍楊奉為興義將軍董

承為安集將軍並侍送乘輿張濟為驃騎將軍還屯陝

八月甲辰幸新豐冬十月戊戌郭汜使其將伍習夜燒

所幸學舍逼脇乘輿楊定楊奉與郭汜戰破之壬寅幸

華陰露次道南是夜有赤氣貫紫宮

獻帝春秋曰赤氣廣六七尺東至寅

西至戌也張濟復反與李傕郭汜合十一月庚午李傕郭汜

等追乘輿戰於東澗王師敗績殺光祿勳鄧泉衛尉士

孫瑞廷尉宣播大長秋苗祀

獻帝春秋

播作璠

也步兵校尉魏桀

侍中朱展射聲校尉沮雋

風俗通曰沮姓也黃帝時史官沮誦

之後音俱余反壬

申辛曹陽露次田中

曹陽澗名在今陝州西南七里俗謂之七里澗

崖浩云自南山北通河

於楊奉董承引白波帥胡才李樂韓暹及匈奴左賢王

去卑率師奉迎與李傕等戰破之十二月庚辰車駕乃

進李傕等復來追戰王師大敗殺畧宮人少府田芬大

司農張義等皆戰歿進幸陝夜度河乙亥幸安邑是歲

袁紹遣將麴義與公孫瓚戰於鮑丘

鮑丘水名出北塞中南流經九莊嶺

東俗謂之大榆河又東南經漁陽縣故城東是瓚之戰處見水經注

瓚軍大敗

建安元年春正月癸酉郊祀上帝於安邑大赦天下改

元建安二月韓暹攻衛將軍董承夏六月乙未幸聞喜

秋七月甲子車駕至洛陽幸故中常侍趙忠宅丁丑郊
祀上帝大赦天下己卯謁太廟八月辛丑幸南宮楊安

殿矣。郊安國將軍張楊為大司馬韓暹為大將軍楊奉

為車騎將軍。是時宮室燒盡，百官披荆棘依牆壁間，州

郡各擁彊兵而委輸不至，羣僚饑乏，尚書郎以下自出

採稆

稭音呂。埤蒼曰：稭，自生也。稭與穡同。

或餓死牆壁間，或為兵士所殺。

辛亥，鎮東將軍曹操自領司隸校尉錄尚書事。曹操殺

侍中臺崇、尚書馮碩等。

風俗通曰：金天氏裔孫曰臺駘。其後氏焉。山陽公載記曰：臺字

作臺。○劉放曰：注山陽公載記曰：臺字

封衛將軍董承為輔國將軍。

○劉放曰：案文多一為字。伏完等十三人為列侯，贈沮雋為弘農太

守庚申還都許已巳幸曹操營九月太尉楊彪司空張
喜罷冬十一月丙戌曹操自為司空行車騎將軍事百
官總已以聽

二年春袁術自稱天子三月袁紹自為大將軍夏五月
蝗秋九月漢水溢是歲饑江淮間民相食袁術殺陳王
寵孫策遣使奉貢

三年夏四月遣謁者裴茂率中郎將段熲討李傕夷三

族獻帝起居注曰傳惟首到許有詔高懸之也呂布叛冬十一月盜殺大司

馬張楊十二月癸酉曹操擊呂布於徐州斬之

四年春三月袁紹攻公孫瓚于易京獲之

公孫瓚頗失
利乃臨易河

築京以自固故號易京其城三重周回六里今內城中有土京在幽州歸義縣南爾雅曰絕高謂之京非人為

之丘衛將軍董承為車騎將軍夏六月袁術死是歲初置

尚書左右僕射武陵女子死十四日復活

續漢志曰女
子李娥年六

十餘死瘞於城中有行人

聞冢中有聲告家人出之

五年春正月車騎將軍董承偏將軍王服越騎校尉种輯受密詔誅曹操事洩壬午曹操殺董承等夷三族秋

七月立皇子馮為南陽王壬午南陽王馮薨九月庚

午朔日有食之詔三公舉至孝二人九卿校尉郡國守

相各一人皆上封事靡有所諱曹操與袁紹戰於官度

裴松之北征記曰中年臺下臨汴水是為官
度袁紹曹操壘尚存焉在今鄭州中牟縣北

紹敗走冬

十月辛亥有星孛于大梁

大梁酉之分

東海王祗薨是歲孫

策死

為許貢客所射傷

弟權襲其餘業

權仲謀

六年春三月丁卯朔日有食之

七年夏五月庚戌袁紹薨于寘國獻馴象

馴象謂隨人意也

是

歲越雋男子化為女子

八年冬十月己巳公卿初迎冬於北郊

斯禮久廢故曰初

總章

始復備八佾舞

袁宏紀云迎氣北郊始用八佾佾列也謂舞者之行列往因亂廢今始備之總

章樂官名古初置司直官督中都官

司直秩比二千石武帝元狩五年置

之安代樂掌佐丞相舉不法也建武十一年省今復置之

九年秋八月戊寅曹操大破袁尚平冀州自領冀州牧冬十月有星孛于東井十二月賜三公已下金帛各有差自是三年一賜以為常制

十年春正月曹操破袁譚於青州斬之

魏志曰操攻譚不剋乃自執擣

鼓應時夏四月黑山賊張燕率衆降

魏志曰燕本姓褚常山真定人也黃

巾起燕合聚少年為羣盜萬餘人博陵人張牛角為主牛角死燕代為主故改姓張燕剽勇軍中號曰張飛燕

衆至百萬號

秋九月賜百官尤貧者金帛各有差

十一年春正月有星孛于北斗三月曹操破高幹於并

州獲之

典論曰上洛都尉王琰敗之追斬其首

秋七月武威太守張猛殺

鄼州刺史邯鄲商

表宏漢紀鄼州作涼州

是歲立故琅邪王容子

熙為琅邪王濟北北海阜陵下邳常山甘陵濟陰平原

八國皆除

十二年秋八月曹操大破烏桓於柳城斬其蹋頓

蹋頓
匈奴

王號柳城縣名屬
遼西郡今營州縣

冬十月辛卯有星孛于鶉尾

鶉尾已之分

乙巳黃巾賊殺濟南王覲

河間孝王五代孫

十一月遼東太守

公孫康殺袁尚袁熙

十三年春正月司徒趙溫免夏六月罷三公官置丞相

御史大夫癸巳曹操自為丞相秋七月曹操南征劉表

八月丁未光祿勳郗慮為御史大夫

續漢書曰慮字鴻豫山陽高平人也

少受學
於鄭玄

壬子曹操殺太中大夫孔融夷其族是月劉表

卒少子琮立琮以荊州降操冬十月癸未朔日有食之

曹操以舟師伐孫權權將周瑜敗之於烏林赤壁

十四年冬十月荊州地震

十五年春二月乙巳朔日有食之

十六年秋九月庚戌曹操與韓遂馬超戰於渭南遂等

大敗關西平

曹瞞傳曰時妻子怕說操曰今天寒可起沙為城以水灌之可一夜而成公從之比

明城立起遂數挑戰不利操縱虎騎夾擊大破之超遂走涼州

是歲趙王赦薨

十七年夏五月癸未誅衛尉馬騰夷三族六月庚寅晦

日有食之秋七月洧水潁水溢螟八月馬超破涼州殺

刺史韋康九月庚戌立皇子熙為濟陰王懿為山陽王

邈為濟北王敦為東海王

山陽公載記曰時許靖在巴郡聞立諸王曰將欲歛之必姑

姑張之將欲奪之必姑與之其孟德之謂乎

冬十二月星孛于五諸侯

五諸侯星

也

十八年春正月庚寅復禹貢九州

獻帝春秋曰時省幽并州以其郡國并為雍州省交州

冀州省司隸校尉及涼州以其郡國并為雍州省交州并荊州益州於是又有兗豫青徐荆揚冀益雍也九數雖

同而禹貢無益州有梁
州無梁益亦一地也

夏五月丙申曹操自立為魏公

加九錫

案禮舍文嘉曰九錫謂一曰車馬二曰衣服三曰樂器四曰朱戶五曰納陛六曰虎賁七百人

七曰斧鉞八曰弓矢九曰秬鬯

大雨水徙趙王珪為博陵王是歲歲星

鎮星熒惑俱入太微

是年秋三星逆行入太微守帝座五十日

彭城王和薨

十九年夏四月旱五月雨水劉備破劉璋據益州冬十

月曹操遣將夏侯淵討朱建于枹罕獲之

枹罕縣屬金城郡今河州

縣也魏志曰淵字妙才沛國譙人也

十一月丁卯曹操殺皇后伏氏滅其

族及二皇子

在蜀聞之遂發喪山陽公載記曰劉備

二十年春正月甲子立貴人曹氏為皇后賜天下男子
爵人一級孝悌力田二級賜諸王侯公卿以下穀各有
差秋七月曹操破漢中張魯降

二十一年夏四月甲午曹操自進號魏王五月己亥朔
日有食之秋七月匈奴南單于來朝是歲曹操殺琅邪

王熙國除

坐謀欲渡江被誅

二十二年夏六月丞相軍師華歆為御史大夫冬有星
孛于東北是歲大疫

二十三年春正月甲子少府耿紀丞相司直韋晃起兵

誅曹操不克夷三族

三輔決錄曰時有京兆金禕字德偉自以代為漢臣乃發憤與耿紀

韋晃欲挾天子以攻魏南援劉備事敗夷三族

三月有星孛于東方

杜預注左傳云平旦

衆星皆沒而孛星乃見故不言所在之次

二十四年春二月壬子晦日有食之夏五月劉備取漢

中秋七月庚子劉備自稱漢中王八月漢水溢冬十一

月孫權取荊州

二十五年春正月庚子魏王曹操薨

魏志曰操字孟德薨時年六十六

子不襲位

魏志曰丕字子桓操之太子

二月丁未朔日有食之三月

改元延康冬十月乙卯皇帝遜位魏王不稱天子

獻帝春秋

曰帝時召羣臣卿士告祠高廟詔太常張音持節奉策
璽綬禪位于魏王乃為壇於繁陽故城魏王登壇受皇
帝璽綬

奉帝為山陽公

山陽縣名屬河內郡故城在今懷州修武縣西北

邑一萬

戶位在諸侯王上奏事不稱臣受詔不拜以天子車服

郊祀天地宗廟祖廟皆如漢制都山陽之濁鹿城

濁鹿一名

濁城亦名清陽城在今懷州修武縣東北

四皇子封王者皆降為列侯明年

劉備稱帝于蜀孫權亦自王於吳於是天下遂三分矣

魏青龍二年三月庚寅山陽公薨自遜位至薨十有四

年年五十四謚孝獻皇帝八月壬申以漢天子禮儀葬

于禪陵

續漢書曰天子葬太僕駕四輪輶為賓車大練
為屋幙中黃門虎賁各二十人執繩司空擇土

造穿太史卜日將作作黃腸題漆便房如禮大駕太僕
御方相氏黃金四目蒙熊皮玄衣朱裳執戈揚楯立乘

四馬先驅旂長三刃十有二旒曳地畫日月升龍書旆

曰天子之柩謁者二人立乘六馬為次太常跪哭日十

五舉音止哭盡漏上請發司徒河南尹先引車轉太常
曰請拜送車著白絲絛糾綿長三十丈圍七寸六行行

五十人公卿以下子弟凡三百人皆素幘委貌冠衣素
裳挽校尉三百人皆赤幘不冠持幢幡皆銜枚羽林孤

兒巴歛輦歌者六十人為六列司馬八人執鐸至陵南
羨門司徒跪請就下房都導東園武士奉入房執事下

明器太祝進醴獻司空將校復土謹音徒了反帝王紀
曰禪陵在濁鹿城西北十里在今懷州修武縣北二十
五里陵高二丈周匝二百步劉澄之地記云以漢禪魏
故以名焉○劉攽曰注太常跪哭日十五舉音止案漢
志日字作曰在天字上置園邑令丞太子早卒孫康立五十一年

晉太康六年薨子瑾立四年太康十年薨子秋立二十
年永嘉中為胡賊所殺國除

論曰傳稱鼎之為器雖小而重故神之所寶不可奪移
左氏傳王孫滿曰桀有昏德鼎遷於商商紂暴虐鼎遷
於周德之休明雖小重也其姦回昏亂雖大輕也故言
神之所寶至今負而趨者此亦窮運之歸乎言神器至
重被人負不可奪移

而趨走者斯亦窮盡之運歸於此時乎言不可復振也
莊子曰藏舟於壑藏山於澤謂之固矣然而有力者負
昧者不知天厭漢德久矣山陽其何誅焉厭倦誅責也
後政教陵遲故言天厭漢德久矣禍之來也非獨山陽
公之過其何所誅責乎左傳宋子魚曰天既厭商德孔
子曰於予予何誅○劉攽曰注於
予予何誅案今論語下予當作與

贊曰獻生不辰身播國屯

辰時也播遷也言獻帝生不逢時身既播遷國又屯難詩

曰我生不辰左傳曰震蕩播越終我四百永作虞賓

春秋孔演圖曰劉

王輔皇王以期有名不就宋均注曰雖褒族人為漢王

以自輔以當有應期名見攝錄者故名不就也虞賓謂

舜以堯子丹朱為賓虞書曰虞賓在

位是也以喻山陽公為魏之賓也

後漢書卷九

後漢書卷九考證

獻帝紀董卓為相國○何焯曰為相國上脫一自字

置漢安都護注總統西方○監本西字訛四從宋本改

南陽王馮薨○監本脫馮字今從宋本

臣會汾

按他處

王薨皆書名但此句蒙上立皇子馮為南陽王文雖

無馮字亦可

斬其蹣頓○何焯曰其字應衍

改元延康○監本延字訛建按建康順帝年號也從宋

本改

至今負而趨者○今應作令

永作虞賓注虞書○監本訛作商書今改正

後漢書卷九考證

謹案卷八第三頁後六行破羌將軍段穎刊本穎

訛頻據毛本改

第九頁前三行辛丑辛亥按上文是月癸丑朔不應有辛丑辛亥二日疑訛

考證第一頁前四行元年二年日食皆在十月晦刊本二年訛二月今改

卷九第七頁後二行焉遣子範將兵就騰刊本就

訛執據毛本改

第八頁後三行孫策遂據江東刊本江訛山據毛
本改

第十二頁前一行立皇子馮為南陽王刊本皇下
衍太字據毛本刪

第十二頁後三行袁宏紀云刊本宏訛紹據毛本
改

第十三頁前八行濟北北海刊本濟訛齊脫一北
字據毛本增改

第十四頁後八行省交州并荊州益州刊本交訛
充據郡國志改

欽定四庫全書





總校官庶吉士臣張能照

校對官編修臣朱攸

謄錄監生臣程潤